

PRAVILNIK
O PROGLAŠAVANJU
NAJBOLJIH MLADIH TEHNIČARA
U SBK/KSB

Tačka 1

Ovim pravilnikom se **reguliše:** kome se mogu dodjeljivati priznanja „Najbolji mladi tehničari“; kriterij za dodjelu priznanja; način kandidovanja i odlučivanja o priznanjima; vrste i oblici priznanja i drugo.

Tačka 2

Priznanje „Najbolji mladi tehničar“,u skladu sa ovim pravilnikom,može se **dodjeljivati:**

- učenicima osnovnih škola za rezultate ostvarene u vannastavnim tehničkim aktivnostima i nastavi tehničkog odgoja i
- učenicima srednjih škola za rezultate u vannastavnim tehničkim aktivnostima i stručnim nastavnim predmetima.

Tačka 3

Svake godine,za područje SBK/KSB,**dodjeliće se:**

PRIZNANJA „ZLATNI TOČAK TEHNIKE“

Prilikom dodjeljivanja priznanja vodiće se računa o broju,odnosno zastupljenosti nagrađenosti iz osnovnih škola i nagrađenih iz srednjih škola,kao i zastupljenosti pojedinih općina obima i kvaliteta aktivnosti u tim područjima.

Zvanje „Najbolji mladi tehničar“ može se istom učeniku dodijeliti najviše dva puta u toku školovanja u osnovnoj školi i dva puta u toku školovanja u srednjoj školi.

Tačka 4

- broj godina članstva u klubu mladih tehničara (u osnovnoj školi),odmosno u klubu mladih tehničara (u srednjoj školi);
- završeni tečajevi i kursevi iz oblasti tehnike (broj,vrsta i uspjeh);
- učešće na smotrama naučno-tehničkog stvaralaštva mladih (u školi,općini,kantonu) i ostvareni rezultati (nagrade i priznanja) u pojedinim disciplinama na smotri;
- učešće na festivalima rada srednjih stručnih i tehničkih škola i ostvareni rezultati (nagrade i priznanja) u pojedinim disciplinama na festivalima;
- učešće na konkursima naučno-tehničkog stvaralaštva mladih (nagrade i priznanja) i objavljeni radovi u zbornicima mladih tehničara;

- broj i vrsta vlastitih konstrukcija predmeta, uređaja, objekata,...; broj vlastitih inovatorskih radova iz oblasti naučno-tehničkog stvaralaštva;
- ocjene iz nastave tehničkog odgoja u toku školovanja i ocjene, odnosno ukupan uspjeh u toku školovanja;
- ostali rezultati ostvareni u oblasti naučno-tehničkog stvaralaštva tokom školovanja.

Tačka 5

Konkurs za predlaganje kandidata za dodjelu ovih priznanja, raspisuje Upravni odbor Udruženja pedagoga TK u SBK/KSB.

Konkursom se reguliše:

- broj kandidata kojima će se dodijeliti priznanja-nagrade;
- pravo predlaganja;
- rokovi podnošenja prijave;
- obrazac prijave i dokumentacije koja se prilaže uz prijavu;
- druga pitanja vezana za dodjelu priznanja.

Tačka 6

Pravo predlaganja mladih tehničara za priznanja imaju sva udruženja-organizacije iz SBK koja se bave naučno-tehničkim odgojem mladih (klubovi mladih tehničara, klubovi tehnike, općinska udruženja i uprave škola)

Tačka 7

Upravni odbor Udruženja imenuje **konkursnu komisiju (žiri)** za dodjelu priznanja.

Prilikom imenovanja komisije (žirija) vodiće se računa o zastupljenosti predstavnika pojedinih općina.

Tačka 8

Konkursna komisija (žiri), u skladu s ovim pravilnikom i uz konsultaciju sa Upravnim odborom Udruženja o broju i vrsti priznanja (u skladu sa materijalnim i drugim mogućnostima), **odluke o priznanjima donosi samostalno.**

Tačka 9

O načinu **odjele** (uručivanju) priznanja i drugim pitanjima, odlučuje Upravni odbor Udruženja.

Predsjednik
Azra Pandžić s.r.